


路麗明 編

民國時期醫藥衛生文獻集成

2



上海科學技術文獻出版社



路麗明 編

# 民國時期醫藥衛生文獻集成

第二冊

上海科學技術文獻出版社

# 第二册目錄

醫學門徑 徐里甫編 百新書店民國二十三年（一九三四）鉛印本 ..... 一


醫學門徑

王平書題



## 自敘

醫自靈素而下何啻汗牛充棟源頭不清徑路不正難乎其爲讀矣故書不貴乎多若從源頭上讀將去徑路上讀將去使他人不清之書我讀之是清他人不正之書我讀之是正書又何怕其多書又何必其多趙普以一部論語佐兩朝太平得此道也余集蒙引一書網羅雖多指歸頗一自本草脈訣以至病機皆四言爲句綴以韻語而詞義貫通決乎氣脈使人可記可誦是源頭上極清極正之書古語之看書一丈不如讀得一尺讀書一尺不如熟得一寸誠讀一寸者而熟之於焉以醫處郡邑侔爲之有司當不失爲良有司於焉以醫處里黨侔之子弟當不失爲良子弟醫若是是亦足矣必欲調元贊化以變理侔乎良宰相則非仲景不可夫何敢高自期許哉



# 醫學門徑卷一目錄

藥性歌

觀病生死訣

藥性補遺

脈訣

續遺藥品

脈形

五藏苦欲補瀉

諸病生死脈

六淫主治

胎產之脈

用藥機要

奇經八脈

十八反歌

生意

十九畏歌

絕脈

妊娠服禁

# 醫學門徑卷二目錄

十二經脈歌

十二經納甲

十二經歌

病機賦

十二經氣血多少歌

尻神歌訣

十五絡脈歌

內景圖

十二原

內景論

奇經八脈歌

經論提綱

奇經主病

集古方歌訣

經脈流注

# 醫學門徑卷三目錄

望色

註藏結

藏府應面之圖

傷寒易簡歌

聞聲

瘟疫

問病

汗論

藏府條分

發斑

辨症歌訣

下論

小柴胡湯加減歌

下後諸變症論

杜清碧三十六舌法

愈後諸病論

傷寒論

醫學門徑卷四目錄

火熱	燥症	濕症	暑症	中寒	傷風	瘟疫	春溫夏熱
汗症	關格	肺癰肺痿	飲症	痰症	鬱症	喘哮	咳嗽
氣症	鼓脹	水腫	積聚	痞氣	虛勞	虛損	內外傷辨
	呃忒	霍亂	嘔吐噎	噎膈	便血	溺血	血症

醫學門徑卷五目錄

頭痛	傷寒
眩暈	寒熱
心痛	瘧疾
肩背痛	泄瀉
身痛	痢疾
腹痛	疝氣
脇痛	黃疸
腰痛	消渴症
中風	痿症
類中風	

# 醫學門徑卷六目錄

身痛	淋症	目病	女科
麻木	小便不通	耳病	調經
痛瘋	遺尿	鼻	閉經
脚氣	大便閉	口舌	崩漏
厥症	遺精	齒	赤白帶
瘧症	赤白濁	咽喉	吞酸吐酸嘈雜噯氣
癩狂	斑疹	交腸	胎前
腰	不得臥	諸蟲	產後
驚悸怔忡健忘	不得食		

# 醫學門徑 卷一

甫里徐時進學山氏纂集

## 藥性歌

### 草部

黃芪甘溫。飲汗固表。托裏生肌。氣虛莫少。

入肺入脾。補氣固表。補藥蜜炙。達表生用。補腎鹽水炒。得防風。其功愈大。綿軟筋幹者佳。

人知參芪止汗。不知入表藥中。亦能助表發汗。茯苓爲使。惡龜甲白鮮皮。畏防風。

甘草味甘。調和諸藥。炙則溫中。生則瀉火。

入脾胃。有補有瀉。能表能裏。可升可降。梢去小便澀痛。節生癰疽痛。中滿者忌用。

甘草得茯苓。反能泄滿。白朮苦參乾漆爲使。惡遠志。反大戟。芫花。甘遂。海藻。

人參味甘。大補元氣。止渴生津。調榮養衛。

入肺。大補元氣。生亦瀉火。肺熱。并陰虛火動。右寸洪大者勿用。細皮光潤者佳。

忌鐵。茯苓爲使。畏五靈脂。惡皂莢。黑豆。紫石英。人洩。鹹鹵。反藜蘆。

沙參甘寒。大清肺熱。久嗽肺痿。吐膿欬血。

入肺。補陰瀉肺火。寒客肺中作嗽者勿服。人參補五臟之陽。沙參補五臟之陰。白實者良。

惡防已。反藜蘆。

丹參味苦。破積調經。去瘀生新。補心續筋。

入心與胞絡。補心生血去瘀。功兼四物。女科要藥。治冷熱勞。骨節痛。風痺不隨。酒浸去蘆。

長鹹水。忌醋。反藜蘆。

玄參苦寒。瀉無根火。消腫清咽。骨蒸亦可。

入腎。補水。瀉無根之火。脾虛泄瀉者忌用。本腎藥而治上焦火症。壯水以制火也。黑者佳。

勿犯鐵器。惡黃芪。山茱。姜棗。反藜蘆。

白朮甘溫。健脾強胃。止瀉除濕。消痰化痞。

補脾燥濕。無汗能發。有汗能止。凡用須土炒。藉土氣以助脾也。脾運則積化。

大者爲雲朮。力大氣濁。小者爲台朮。力小氣清。血燥無濕者。禁用。

蒼朮甘溫。健脾燥濕。發汗寬中。更祛瘴疫。

入脾胃。補脾燥濕。宜升陽散鬱。米泔浸。切片焙乾。

二朮主治略同。第有止汗發汗之異。

石斛味甘。卻驚定志。益精補虛。能平胃氣。

入脾胃。平補脾胃。滋元氣。光澤如金釵。股短而中實良。名金釵石斛。去頭根用。

體瘦無汁。味淡難出。置之煎劑。猝難見功。必須熬膏而用。惡巴豆。畏姜蜜。

遠志氣溫。能寧心志。久服聰明。令人多記。

入腎氣分。補心腎。能通腎氣。上達於心。故治健忘夢洩也。去心。甘草湯浸一宿用。

畏珍珠。藜蘆。得茯苓。龍骨良。